

1. Općina Visoko, ul. Alije Izetbegovića br.12-A, koju zastupa Općinska načelnica Amra Babić (u daljem tekstu: Općina) i
2. Udruženje „Mladi Volonteri“ iz Visokog, koje zastupa predsjednik udruženja Belmin Debelac (u daljem tekstu: Udruženje).

UGOVOR O ZAKUPU OPĆINSKOG PROSTORA BEZ OBAVEZE PLAĆANJA ZAKUPNINE

Član 1.

Općina Visoko daje udruženju „Mladi Volonteri“ Visoko u zakup općinski prostor bez obaveze plaćanja zakupnine, koji se nalazi u Visokom, u ul. Kovačica br.5, za potrebe otvaranja javne kuhinje.

Prostor koji se daje u zakup je ukupne površine 114,00 m², označen kao k.č.1074 K.O. Visoko.

Član 2.

Udruženje „Mladi Volonteri“ obavezno je da redovno plaća sve troškove nastale korištenjem navedenog prostora: električna energija, telefon, komunalne usluge, troškove grijanja, te da vrši tekuće održavanje prostora, kao i preuzimanje svih mjera sigurnosti i zaštiti prostora.

Član 3.

Ugovor se zaključuje na određeno vrijeme na godinu dana.

Nakon isteka ovog roka, ugovor se produžava na sljedeću godinu, ako se ugovorne strane drugačije ne dogovore.

Član 4.

Općina Visoko zadržava puno pravo otkaza korištenja navedenog prostora i prije roka utvrđenog u članu 3. ovog Ugovora, sa otkaznim rokom od 30 (trideset) dana, ukoliko ne dođe do realizacije projekta i stavljanja prostora u funkciju.

Član 5.

Korisnik nema pravo vršiti bilo kakve prepravke ili adaptacije na navedenom prostoru bez pismene saglasnosti Općine, odnosno Službe za urbanizam, stambeno-komunalne poslove i katastar nekretnina.


Član 6.

U slučaju spora po ovom Ugovoru, ugovorne strane će isti pokušati riješiti dogovorom, ukoliko se ne uspiju dogovoriti, nadležan je Općinski sud u Visokom.

Član 7.

Ovaj Ugovor sačinjen je u 4 (četiri) istovjetna primjerka, od kojih po 2 (dva) zadržava svaka ugovorna strana.

Udruženje „Mladi Volonteri“
Belmin Debelac,
Mladi Volonteri
Općina Visoko
Broj: 01/2-02-231/14
Datum: 28.2.2014.god.



Općinska načelnica Visoko
Mr. sci Amra Babić

Amra Babić

Broj: 01/2-02-231/14
Datum: 28.2.2014.god.